



**ПРАВОСЛАВНЫЙ  
МОЛИТВОСЛОВ**



# Сборник Православный молитвослов

*Текст предоставлен правообладателем*

*[http://www.litres.ru/pages/biblio\\_book/?art=32721032](http://www.litres.ru/pages/biblio_book/?art=32721032)*

*Православный молитвослов: Московское Подворье Свято-Троицкой*

*Сергиевой Лавры; Москва; 2005*

*ISBN 978-5-7789-0265-7*

## Аннотация

В данном издании Православного молитвослова собраны самые насущные для православного христианина молитвы. Карманный формат книги позволяет с удобством пользоваться ей в дороге и путешествиях.

# Содержание

Молитвы утренние	6
Молитвы в продолжение дня	24
Молитва Иисусова	24
Молитва святого Ефрема Сирина	25
Молитва Оптинских старцев	26
Ежедневная молитва святителя Филарета Московского	27
Молитва святителя Димитрия Ростовского	28
Молитва ко Господу иеросхимонаха Парфения Киевского	29
Конец ознакомительного фрагмента.	30

# Православный МОЛИТВОСЛОВ. МОЛИТВЫ на всякую потребу



*Рекомендовано к публикации Издательским Советом Рус-  
ской Православной Церкви ИС Р 14-413-1343*



ПРАВОСЛАВНЫЙ  
МОЛИТВОСЛОВ

# Молитвы утренние

*Встав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:*

*Во имя Отца, и Сына, и Святаго Духа. Аминь.*

*Затем немного помедли, пока все чувства твои не придут в тишину и мысли твои не оставят все земное, и тогда без поспешности и со вниманием сердечным произноси следующие молитвы:*

## Молитва мытаря

Бóже, мѣлостив бѹди мне, грѣшному.

## Молитва предначинательная

Господи Иисусе Христе, Сыне Божий, моли́тв ради Пречистыя Твоея Матере и всех святых, помилуй нас. Аминь.

Слава Тебе, Бóже наш, слава Тебе.

## Молитва Святому Духу<sup>1</sup>

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

### Трисвятое

Святый Боже, Святый Крепкий, Святый Безсмертный, помилуй нас.

*(Чтется трижды, с крестным знаменем и поясным поклоном.)*

Слава Отцу, и Сыну, и Святому Духу, и ныне и присно, и во веки веков. Аминь.

### Молитва ко Пресвятой Троице

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и

---

<sup>1</sup> От Пасхи до Вознесения вместо этой молитвы читается тропарь: Христос воскрес из мертвых, смертию смерть поправ и сущим во гробех живот даровав. *(Трижды.)* От Вознесения до Троицы молитвы начинают со Святый Боже, опуская все предшествующие. Это замечание относится и к молитвам на сон грядущим.

исцели́ нѣмощи на́ша, и́мене Твоего́ ра́ди.

Го́споди, поми́луй. (*Трижды.*)

Сла́ва, и ны́не<sup>2</sup>:

## Молитва Господня

Отче наш, Иже еси на Небесѣх! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

## Тропари Троичные

Воста́вше от сна, припа́даем Ти, Бла́же, и Ангельскую песнь вопи́ем Ти, Си́льне: Свят, Свят, Свят еси́, Бо́же, Богоро́дицею поми́луй нас.

Сла́ва: От одра́ и сна воздв́игл мя еси́, Го́споди, ум мой просвети́ и се́рдце, и устне́ мой отве́рзи, во е́же пе́ти Тя, Свята́я Трои́це: Свят, Свят, Свят еси́, Бо́же, Богоро́дицею поми́луй нас.

И ны́не: Внеза́пно Судия́ придет, и коего́ждо дея́ния обнажа́тся, но стра́хом зове́м<sup>3</sup> в полу́нощи: Свят, Свят, Свят

---

<sup>2</sup> Когда написано: Сла́ва, и ны́не: следует читать: Сла́ва Отцу́, и Сы́ну, и Свято́му Ду́ху, и ны́не и присно, и во ве́ки веко́в. Ами́нь.

<sup>3</sup> Читая церковнославянский текст, следует произносить слова так, как они на-

есї, Бѣже, Богородицею помїлуй нас.

Гѣсподи, помїлуй. (*12 раз.*)

## Молитва ко Пресвятой Троице

От сна воста́в, благодарю́ Тя, Свята́я Троице, я́ко мно́гия ра́ди Твоея́ бла́гости и долготерпе́ния не прогна́вался есї на мя, лени́ваго и грѣшнаго, ниже́ погуби́л мя есї со беззако́ньными мои́ми; но человеколю́бствовал есї обы́чно и в неча́янии лежа́щаго воздвїгл мя есї, во е́же у́треневати и славосло́вити держа́ву Твою́. И ны́не просвети́ мои́ о́чи мы́сленныя, отве́рзи моя́ уста́ поуча́тися словесе́м Твои́м, и разуме́ти за́поведи Твоя́, и твори́ти во́лю Твою́, и пе́ти Тя во испове́дании серде́чном, и воспева́ти всесвятѣ́е и́мя Твое́, Отца́, и Сы́на, и Свята́го Ду́ха, ны́не и прїсно, и во ве́ки веко́в. Ами́нь.

Прииді́те, поклонї́мся Царе́ви на́шему Бо́гу. (*Поклон.*)

Прииді́те, поклонї́мся и припаде́м Христу́, Царе́ви на́шему Бо́гу. (*Поклон.*)

Прииді́те, поклонї́мся и припаде́м Самому́ Христу́, Царе́ви и Бо́гу на́шему. (*Поклон.*)

## Псалом 50

Помїлуй мя, Бѣже, по вели́цей ми́лости Твое́й и по

мно́жеству щедро́т Твои́х очисти́ беззаконіе моё. Наипа́че омы́й мя от беззаконія моего́ и от греха́ моего́ очисти́ мя; яко́ беззаконіе моё аз зна́ю, и грех мой предо мно́ю есть вы́ну. Тебе́ единому́ согреших и лука́вое пред Тобо́ю сотвори́х; яко́ да оправди́шия во словеса́х Твои́х, и победи́ши, внегда́ суди́ти Ти. Се бо в беззаконіих зача́т есмь, и во гресѣх роди́ мя ма́ти моя. Се бо и́стину возлюбил еси́; безвѣстная и та́йная премудрости Твоея́ явил ми еси́. Окропи́ши мя иссо́пом, и очищу́ся; омы́еши мя, и па́че снѣга убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х и вся беззаконія моя́ очисти́. Сѣрдце чи́сто сози́жди во мне, Бо́же, и дух прав обнови́ во утро́бе мое́й. Не отвержи́ мене́ от лица́ Твоего́ и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́ и Ду́хом Влады́чним утверди́ мя. Научу́ беззаконны́я путе́м Твои́м, и нечестивы́и к Тебе́ обратя́тся. Изба́ви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й. Го́споди, устне́ мои́ отверзеши, и уста́ моя́ возвестя́т хвалу́ Твою́. Яко́ а́ще бы восхотѣл еси́ жѣртвы, дал бых у́бо: всесоже́ния не благоволи́ши. Жѣртва Бо́гу дух сокруше́н; сѣрдце сокруше́нно и смире́нно Бог не уничижи́т. Ублажи́, Го́споди, благоволе́нием Твои́м Сио́на, и да сози́ждутся сте́ны Иерусали́мския. Тогда́ благоволи́ши жѣртву пра́вды, возноше́ние и всесожега́емая; тогда́ возложат на олта́рь Твой тельцы́.

## Символ веры

<sup>1</sup>Вѣрую во еди́наго Бѣга Отца́ Вседержителя, Творца́ небу и земли, видимым же всем и невидимым. <sup>2</sup>И во еди́наго Гѣспода Иисуса Христа́, Сына Бѣжия, Единоро́днаго, Иже от Отца́ рождѣннаго прѣжде всех век: Свѣта от Свѣта, Бѣга и́стинна от Бѣга и́стинна, рождѣнна, несотворѣнна, единосущна Отцу́, Имже вся бы́ша. <sup>3</sup>Нас ра́ди человек и на́шего ра́ди спасѣния сше́дшаго с Небѣс и воплотившагося от Духа Свята и Мари́и Дѣвы, и вочеловѣчшася. <sup>4</sup>Распя́таго же за ны при Понтийстем Пилáте, и страда́вша, и погребѣнна. <sup>5</sup>И воскресшаго в трѣтій день по Писáнием. <sup>6</sup>И возше́дшаго на Небеса́, и седя́ща одесну́ю Отца́. <sup>7</sup>И па́ки грядущаго со славою суди́ти живым и мѣртвым, Егѣже Цáрствию не бѣдет конца́. <sup>8</sup>И в Духа Свята́го, Гѣспода, Животворя́щаго, Иже от Отца́ исходя́щаго, Иже со Отце́м и Сы́ном спокланя́ема и сславима, глаго́лавшаго проро́ки. <sup>9</sup>Во еди́ну Святу́ю, Собѣрную и Апѣстольскую Цѣрковь. <sup>10</sup>Исповѣдую еди́но крещѣние во оставлѣние грехѣв. <sup>11</sup>Ча́ю воскресѣния мѣртвых, <sup>12</sup>и жи́зни бѣдущаго вѣка. Ами́нь.

## **Молитва первая, святого Макария Великого**

Бóже, очисти мя, грѣшнаго, яко николиже сотвори́х благо́е пред Тобо́ю; но изба́ви мя от лука́ваго, и да бу́дет во мне во́ля Твоя́, да неосужде́нно отве́рзу уста́ моя́ недосто́йная и восхва́лю́ имя Твое́ свято́е, Отца́, и Сы́на, и Свята́го Ду́ха, ны́не и при́сно, и во ве́ки веко́в. Ами́нь.

## **Молитва вторая, того же святого**

От сна воста́в, полу́нощную песнь приношу́ Ти, Спа́се, и припа́дая вопию́ Ти: не даждь ми усну́ти во грехо́вней сме́рти, но ущѣдри мя, распный́ся во́лею, и лежа́щаго мя в ле́ности ускори́в возста́ви, и спаси́ мя в предстоя́нии и моли́тве, и по сне но́щнем возсия́й ми день безгре́шен, Христэ́ Бóже, и спаси́ мя.

## **Молитва третья, того же святого**

К Тебе́, Влады́ко Человеколю́бче, от сна воста́в прибега́ю, и на дела́ Твоя́ подвиза́юся милосе́рдием Твои́м, и молю́ся Тебе́: помози́ ми на вся́кое вре́мя, во вся́кой ве́щи, и изба́ви мя от вся́кия мирскы́я злы́я ве́щи и диа́вольскаго поспешѣ́ния, и спаси́ мя, и введи́ в Ца́рство Твое́ вѣ́чное. Ты бо

еси мой Сотворитель и всякому благу Промысленник и Податель, о Тебе же все упование мое, и Тебе славу возсылаю, ныне и присно, и во веки веков. Аминь.

### **Молитва четвертая, того же святого**

Господи, Иже мно́гою Твоею бла́гостию и вели́кими щедротами Твоими дал еси́ мне, рабу́ Твоему́, мимоше́дшее вре́мя но́щи сея́ без напа́сти прейти́ от всякаго зла противна; Ты Сам, Влады́ко, всяческих Творче, сподоби́ мя и́стинным Твоимъ свѣтомъ и просвещѣннымъ сѣрдцемъ творити волю́ Твою́, ны́не и присно, и во ве́ки веко́в. Аминь.

### **Молитва пятая, святого Василия Великого**

Господи Вседержителю, Бо́же Сил и всякия плóти, в вы́шних живы́й и на смире́нныя призира́яй, сердца́ же и утробы́ испытуй́яй и сокрове́нная челове́ков я́ве предвѣды́й, Безнача́льный и Присносу́щный Свѣте, у Него́же несть премене́ние, или́ преложѣния осенѣние; Сам, Безсме́ртный Царю́, приими́ моле́ния на́ша, я́же в настоя́щее вре́мя, на мно́жество Твои́х щедро́т дерза́юще, от сквер́ных к Тебе́ усте́н творимъ, и оста́ви намъ прегреше́ния на́ша, я́же де́лом, и сло́вом, и мы́слию, ве́дением или́ неве́дением согреше́нная на́ми; и очисти́ ны от всякия сквер́ны плóти и ду́ха. И да́руй намъ

бодренным сердцем и трезвенною мыслию всю настоящего жития ночь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в оньже со славою Судия всех придет комуждо воздати по делом его; да не падше и обленившися, но бодрствующе и воздвижени в делание обрящемся готови, в радость и Божественный чертог славы Его совидем, идеже празднующих глас непрестанный и неизреченная сладость зрящих Твоего лица доброту неизреченную. Ты бо еси истинный Свет, просвещающий и освящающий всяческая, и Ты поет вся тварь во веки веков.

Аминь.

## **Молитва шестая, того же святого**

Тя благословим, вышний Боже и Господи милости, творящаго присно с нами великая же и неизследованная, славная же и ужасная, ихже несть числа, подавшаго нам сон во упокоение немощи нашея и ослабление трудов многотрудныя плоти. Благодарим Тя, яко не погубил еси нас со беззаконными нашими, но человеколюбствовал еси обычно и в нечаянии лежащая ны воздвигл еси, во еже славословити державу Твою. Темже молим безмерную Твою благодать: просвети наша мысли, очеса, и ум наш от тяжкаго сна лености возстави: отверзи наша уста и исполни я Твоего хваления, яко да возможем непоколеблемо пети же и исповедатися Те-

бѣ, во всех и от всех сла́вимо́му Бо́гу, Безнача́льному Отцу́, со Единоро́дным Твои́м Сы́ном и Всесвяты́м и Благи́м и Жи-  
вотворя́щим Твои́м Ду́хом, ны́не и при́сно, и во ве́ки веко́в.  
Ами́нь.

## Молитва седьмая, ко Пресвятой Богородице

Воспева́ю благода́ть Твою́, Влады́чице, молю́ Тя, ум мой  
облагода́ти. Ступа́ти пра́во мя наста́ви, путе́м Христо́вых  
за́поведей. Бде́ти к пе́сни укрепі́, уны́ния сон отгоня́ющи.  
Связа́на плени́цами грехопаде́ний, мольба́ми Твои́ми разре-  
ши́, Богоневѣсто. В но́щи мя и во дни сохра́няй, борю́щих  
враг изба́вляющи мя. Жизнода́теля Бо́га ро́ждшая, умерщ-  
вле́на мя страстьми́ оживи́. Яже Свет невече́рний ро́ждшая,  
ду́шу мою́ ослѣпшую просвети́. О дивна́я Влады́чнѣя пала́то,  
дом Ду́ха Божѣственна менѣ сотвори́. Врача́ ро́ждшая, увра-  
чу́й души́ моея́ многоле́тныя стра́сти. Волну́ющася житѣ́й-  
скою бу́рею ко стези́ мя пока́яния напра́ви. Изба́ви мя огня́  
вѣчнующаго, и че́рвия же зла́го, и та́ртара. Да мя не яви́ши  
бесом ра́дование, и́же мно́гим грехом повинника. Но́ва со-  
твори́ мя, обетша́вшаго нечу́вственными, Пренепоро́чная,  
согреше́нии. Стра́нна му́ки вся́кия покажи́ мя и всех Вла-  
ды́ку умоли́. Небе́сная ми уллучи́ти весѣ́лія со все́ми свя-  
ты́ми сподо́би. Пресвята́я Де́во, услы́ши глас непотре́бнаго  
раба́ Твоего́. Струю́ дава́й мне слеза́м, Пречи́стая, души́ моея́  
скве́рну очища́ющи. Стена́ния от се́рдца приношу́ Ти непре-

ста́нно, усёрдствуй, Влады́чице. Моле́бную слúжбу мою́ при-  
ими́ и Бо́гу благоутро́бному принеси́. Превы́шшая Ангел,  
мирска́го мя превы́шша слéтия сотвори́. Светоно́сная Се́не  
небе́сная, духо́вную благода́ть во мне напра́ви. Ру́це возде́ю и  
устне́ к похвалéнию, оскверне́ны скве́рною, Все непоро́чная.  
Душетле́нных мя па́костей изба́ви, Христа́ приле́жно умо-  
ля́ющи; Ему́же честь и поклонéние подобáет, ны́не и прýсно,  
и во ве́ки веко́в.

Ами́нь.

## **Молитва восьмая, ко Господу нашему Иисусу Христу**

Многоми́лостиве и Всеми́лостиве Бóже мой, Гбсподи  
Иисúсе Христé, мно́гия ра́ди любве́ сшел и воплоти́лся еси́,  
я́ко да спасéши всех. И па́ки, Спа́се, спаси́ мя по благода́ти,  
молю́ Тя; а́ще бо от дел спасéши мя, несть се благода́ть и  
дар, но долг па́че. Ей, мно́гий в щедро́тах и неизрече́нный в  
ми́лости! Ве́руйя бо в Мя, рекл еси́, о Христé мой, жив бу́дет  
и не у́зрит сме́рти во ве́ки. Аще у́бо ве́ра, я́же в Тя, спаса́ет  
отча́янные, се ве́рую, спаси́ мя, я́ко Бог мой еси́ Ты и Со-  
здáтель. Ве́ра же вмéсто дел да вмени́тся мне, Бóже мой, не  
обрящеши бо дел, отню́д оправда́ющих мя. Но та ве́ра моя́  
да довлéет вмéсто всех, та да отвеща́ет, та да оправди́т мя, та  
да пока́жет мя причáстника сла́вы Твоея́ вéчныя. Да не у́бо  
похи́тит мя сатана́ и похва́лится, Сло́ве, е́же отто́ргнути мя

от Твоея руки и ограда; но илии хошю, спаси мя, илии не хошю, Христэ Спасе мой, предвари скоро, скоро погибох: Ты бо еси Бог мой от чрева матере моея. Сподоби мя, Господи, ныне возлюбити Тя, якоже возлюбих иногда той самыи грех; и паки поработати Тебе без лени тошно, якоже поработах прежде сатане лстивому. Наипаче же поработаю Тебе, Господу и Богу моему Иисусу Христу, во вся дни живота моего, ныне и присно, и во веки веков.

Аминь.

## **Молитва девятая, ко Ангелу хранителю**

Святый Ангеле, предстояи окаянной моеи души и страстной моеи жизни, не остави мене, грешнаго, ниже отступи от мене за невоздержание мое. Не даждь места лукавому демону обладати мною насильством смертнаго сего телесе; укрепии бедствующую и худую мою руку и настави мя на путь спасения. Ей, святый Ангеле Божий, хранителю и покровителю окаянных моея души и тела, вся мне прости, еликими тя оскорбих во вся дни живо та моего, и аще что согреших в прешедшую ночь сию, покрый мя в настоящий день и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страхе Своем и достоина покажет мя раба Своея благодати. Аминь.

## **Молитва десятая, ко Пресвятой Богородице**

Пресвятая Владычице моя Богородице, святыми Твоими и всесильными мольбами отжени от мене, смиренного и окаянного раба Твоего, уныние, забвение, неразумие, нерадение и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятый, и от всех действий злых свободи мя. Яко благословенна еси от всех родов, и славится пречестное имя Твое во веки веков. Аминь.

### **Молитвенное призывание святого, имя которого носишь**

Моли Бога о мне, святыи угодниче Божий (имя), яко аз усердно к тебе прибегаю, скорому помощнику и молитвеннику о душе моей.

### **Песнь Пресвятой Богородице**

Богородице Дево, радуйся, Благодатная Марие, Господь с Тобою; благословенна Ты в женах, и благословен Плод чрева Твоего, яко Спаса родила еси душ наших.

## **Тропарь Кресту и молитва за отечество**

Спаси, Господи, люди Твоя и благослови достояние Твое, победы православным христианом на сопротивныя даруя и Твое сохраняя Крестом Твоим жительство.

### **Молитва о живых**

Спаси, Господи, и помилуй отца моего духовнаго (имя), родителей моих (имена), сродников (имена), начальников, наставников, благодетелей (имена) и всех православных христиан.

### **Молитва об усопших**

Упокой, Господи, души усопших раб Твоих: родителей моих (имена), сродников (имена), благодетелей (имена) и всех православных христиан, и прости им вся согрешения вольная и невольная, и даруй им Царствие Небесное.

*Аще же можеша, чти вместо кратких молитв о живых и усопших сей помянник:*

## О ЖИВЫХ

Помяни, Господи Иисусе Христе, Боже наш, милости и щедроты Твоя от века сущия, ихже ради и вочеловечился еси, и распятие и смерть, спасения ради право в Тя верующих, претерпети изволил еси; и воскрес из мертвых, вознесся еси на Небеса, и седиши одесную Бога Отца, и призираеши на смиренныя мольбы всем сердцем призывающих Тя; приклони ухо Твое и услыши смиренное моление мене, непотребнаго раба Твоего, в воню благоухания духовнаго, Тебе за вся люди Твоя приносящаго. И в первых помяни Церковь Твою Святую, Соборную и Апостольскую, юже снабдел еси честною Твоею Кровию, и утверди, и укрепи, и разшири, умножи, умири и непребориму адовыми вратами во веки сохрани; раздирания Церквей утиши, шатания языческаго угаси, и ересей востания скоро разори, и искорени, и в ничтоже силою Святаго Твоего Духа обрати. *(Поклон.)*

Спаси, Господи, и помилуй богохранимую страну нашу, власти и воинство ея, да тихое и безмолвное житие поживем во правоверии и во всяком благочестии и чистоте. *(Поклон.)*

Спаси, Господи, и помилуй Великаго Господина и Отца нашего Святейшаго Патриарха Алексия, преосвященныя митрополиты, архиепископы и епископы православныя, и весь священнический и иноческий чин, и весь причет церковный, яже поставил еси пасти словесное Твое стадо, и мо-

лїтвами их помїлуй и спасї мя, грѣшнаго. (Поклон.)

Спасї, Гбсподи, и помїлуй отца моего духовнаго (имя) и святыми его молитвами прости моя согрешения. (Поклон.)

Спасї, Гбсподи, и помїлуй родители моя (имена), братию и сестры, и сродники моя по плоти, и вся ближняя рода моего, и други, и даруй им мирная Твоя и премирная благая. (Поклон.)

Спасї, Гбсподи, и помїлуй старцы и юныя, нищия и сироты и вдовицы, и сущия в болезни и в печалех, бедях же и скорбех, обстоянних и плененних, темницах же и заточенних, изряднее же в гоненних, Тебе ради и веры Православныя, от язык безбожных, от отступник и от еретиков, сущия рабы Твоя, и помяни я, посети, укрепи, утеши и вскоре силою Твоею ослабу, свободу и избаву им подаждь. (Поклон.)

Спасї, Гбсподи, и помїлуй благотворящия нам, милующия и питающия нас, давшия нам милостыни и заповедавшия нам, недостойным, молитися о них, и упокоевающия нас, и сотвори милость Твою с ними, даруя им вся, яже ко спасению, прошения, и вечных благ восприятие. (Поклон.)

Спасї, Гбсподи, и помїлуй посланная в службу, путешествующия, отцы и братию нашу и вся православныя христианы. (Поклон.)

Спасї, Гбсподи, и помїлуй ихже аз безумием моим соблазних и от пути спасительнаго отвратих, к делу злым и неподобным приведох; Божественным Твоим Промыслом к пути спасения паки возврати. (Поклон.)

Спаси, Господи, и помилуй ненавидящия и обидящия мя, и творящия ми напасти, и не остави их погибнути мене ради грешнаго. *(Поклон.)*

Отступившия от Православныя веры и погибельными ересьми ослепленныя светом Твоего познания просвети и Святей Твоей Апостольстей Соборней Церкви причти. *(Поклон.)*

## Об усопших

Помяни, Господи, от жития сего отшедшия правочерныя цари и царицы, благоверныя князи и княгини, святейшия патриархи, преосвященныя митрополиты, архиепископы и епископы православныя, во иерействе же и в причте церковнем, и монашеством чине Тебе послужившия, и в вечных Твоих селениях со святыми упокой. *(Поклон.)*

Помяни, Господи, души усопших рабов Твоих, родителей моих (имена) и всех сродников по плоти; и прости их вся согрешения вольная и невольная, даруя им Царствие и причастие вечных Твоих благих и Твоея безконечныя и блаженныя жизни наслаждение. *(Поклон.)*

Помяни, Господи, и вся в надежди воскресения и жизни вечныя усопшия, отцы и братию нашу, и сестры, и zde лежащия и повсюду, православныя христианы, и со святыми Твоими, идеже присещает свет лица Твоего, всели, и нас помилуй, яко Благ и Человеколюбец. Аминь. *(Поклон.)*

Подаждь, Господи, оставление грехов всем прежде отшедшим в вере и надежды воскресения, отцем, братьям и сестрам нашим, и сотвори им вечную память. *(Трижды.)*

## Окончание молитв

Досто́йно есть́ яко́ воистину́ блажи́ти Тя, Богоро́дицу, Присноблаже́нную и Пренепоро́чную и Ма́терь Бо́га наше́го. Честне́йшую Херуви́м и сла́внейшую без сравне́ния Серафи́м, без исле́ния Бо́га Сло́ва ро́ждшую, су́щую Богоро́дицу Тя велича́ем<sup>4</sup>.

Сла́ва, и ны́не:

Господи, поми́луй. *(Трижды.)*

Господи Иисусе Христэ, Сыне Божий, моли́тв ра́ди Пре́чи́стыя Твоея́ Ма́тере, преподо́бных и богоно́сных отец́ наших и всех святы́х, поми́луй нас. Ами́нь.

---

<sup>4</sup> *От Пасхи до Вознесения вместо этой молитвы читаются припев и ирмос 9-й песни пасхального канона: Ангел вопияше Благодатней: Чистая Дево, радуйся! И паки реку: радуйся! Твой Сын воскрес тридневен от гроба и мертвья воздвигнувый; людие, веселитесь! Светися, светися, новый Иерусалиме, слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего. Это замечание относится и к молитвам на сон грядущим.*

# **Молитвы в продолжение дня**

## **Молитва Иисусова**

Господи Иисусе Христе, Сыне Божий, помилуй мя, грешнаго.

# Молитва святого Ефрема Сирина

Господи и Владыко живота моего, дух праздности, уныния, любоначалия и празднословия не даждь ми. Дух же целомудрия, смиренномудрия, терпения и любви даруй ми, рабу Твоему. Ей, Господи, Царю, даруй ми зрети моя прегрешения и не осуждати брата моего, яко благословен еси во веки веков. Аминь.

# Молитва Оптинских старцев

Господи, дай мне с душевным спокойствием встретить все, что принесёт мне наступающий день. Дай мне всецело предаться воле Твоей святой. На всякий час сего дня во всем наставь и поддержи меня. Какие бы я ни получил известия в течение дня, научи меня принять их со спокойною душою и твердым убеждением, что на все святая воля Твоя. Господи, во всех словах и делах моих руководи моими мыслями и чувствами. Во всех непредвиденных случаях не дай мне забыть, что все ниспослано Тобой. Научи меня прямо и разумно действовать с каждым членом семьи моей, никого не смущая и не огорчая. Господи, дай мне силу перенести утомление наступающего дня и все события в течение дня. Руководи моею волею и научи меня каяться, молиться, верить, надеяться, терпеть, прощать и любить всех. Аминь.

# Ежедневная молитва святителя Филарета Московского

Господи, не знаю, чего мне просить у Тебя. Ты один ведаешь, что мне нужно. Ты любишь меня больше, нежели я умею любить себя. Отче, даждь рабу Твоему, чего сам я просить не умею. Не дерзаю просить ни креста, ни утешения: только предстою пред Тобю. Сердце мое Тебе отверсто; Ты зришь нужды, которых я не знаю. Зри и сотвори по милости Твоей. Порази и исцели, низложи и подыми меня. Благословлю и безмолвствую пред Твоею святою волею и непостижимыми для меня Твоими судьбами. Приношу себя в жертву Тебе. Нет у меня другого желания, кроме желания исполнять волю Твою. Научи меня молиться. Сам во мне молись! Аминь.

# Моли́тва святи́теля Димитрия́ Ростовского́

Спаси́ мя, Спа́се мой, по Твоёй бла́гости, а не по моём делом! Ты хо́щещи мя спасти́, Ты ве́си, ко́им о́бразом мя спасти́: спаси́ у́бо мене́, я́ко хо́щещи, я́ко мо́жещи, я́ко ве́си: и́миже ве́си судьба́ми спаси́ мя! Аз на Тя, Го́спода моего́, на́деюся, и Твоёй во́ле Свято́й себе́ вруча́ю: твори́ со мно́ю е́же хо́щещи! Аще хо́щещи мя и́ме́ти во све́те, бу́ди благослове́н. Аще хо́щещи мя и́ме́ти во тме, бу́ди па́ки благослове́н. Аще отве́рзеши ми двéри милосе́рдия Твоего́, добро́ у́бо и бла́го. Аще затвори́ши ми двéри милосе́рдия Твоего́, благослове́н еси́, затвори́вый ми в пра́вду. Аще не погуби́ши мя со беззако́нныя мои́ми, сла́ва безме́рному милосе́рдию Твоему́. Аще погуби́ши мя со беззако́нныя мои́ми, сла́ва пра́ведному суду́ Твоему́: я́коже хо́щещи, устрои́ о мне вещь!

# Молитва ко Господу иеросхимонаха Парфения Киевского

Господи Иисусе Христэ, Сыне Божий, не попусти, чтобы суетность, самолюбие, чувственность, нерадение, гнев господствовали надо мною и похищали меня у любви Твоей. О Господи, Создатель мой, все Упование мое! Не остави меня без удела в блаженной вечности; содейлай, да и я последую святому примеру Твоему, буду покóрен властям, надо мною поставленным; даруй мне сию чистоту дýха, сию простоту сёрдца, котóрыя дéлают нас достóйными любви Твоей.

К Тебé, о Бóже мой, возношú дúшу и сёрдце моé: не попусти погíбнуть создáнию Твоему, но избáвь меня от едíнственного и величáйшаго зла: грехá. Содейлай, Господи, да переносú с таким же терпéнием безпóкойства и скóрби душéвныя, с какою рáдостию приёмлю удовольствия сердéчныя. Если Ты хочешь, Господи, – можешь очíстить и освятítь меня. Се предаю себя Твоей благасти, прося истребítь из меня все протíвное Тебé и присоединítь к сóнму íзбранных Твоих.

# Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.